

COMISIÓN INFORMATIVA DE TERMALISMO, TURISMO E MEDIO AMBIENTE

ACTA da mencionada comisión informativa, correspondente ao día **21 de novembro de 2019**

Na sala de xuntas do Pazo Provincial da Deputación de Ourense, ás 17.30 horas do día 21 de novembro de 2019, reúnese a comisión informativa de Termalismo, Turismo e Medio Ambiente coa asistencia dos seguintes deputados e deputadas:

Presidenta: D.^a Ana María Villarino Pardo

Deputados/as do Grupo Popular:

D. César Manuel Fernández Gil

D.^a Consuelo Vispo Seara

D. Miguel Antonio Cid Álvarez

D.^a Ana Patricia Torres Madureira

Deputados/as do Grupo Socialista:

D.^a Margarita Pérez Fernández

D.^a Elvira Lama Fernández

D. Álvaro Vila Araújo

Deputado de Democracia Ourensana:

D. José Miguel Caride Domínguez

Deputado do BNG: D. Bernardo Varela López

Deputada de Ciudadanos-Partido de la Ciudadanía: D.^a Montserrat Lama Nóvoa

Secretario: D. Juan Marquina Fuentes

Interventora: D.^a Begoña Álvarez Matos

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á

ORDINARIA DO DÍA 17 DE OUTUBRO DE 2019.-

Pola Secretaría Xeral deuse traslado do borrador da acta anterior, correspondente á ordinaria do día 17 de outubro de 2019.

Non se producen intervencións e por unanimidade a comisión adopta o seguinte acordo:

Aprobar a acta da sesión ordinaria da Comisión Informativa de Termalismo, Turismo e Medio Ambiente do día 17 de outubro de 2019, conforme co borrador elaborado pola Secretaría Xeral.

2º.- MOCIÓN DE URXENCIA.- Trala unánime declaración da urxencia, por non figurar na orde do día, por unanimidade, tratouse o seguinte asunto:

2º.A.- APROBACIÓN INICIAL DAS BASES REGULADORAS DO PROGRAMA PROVINCIAL DE COOPERACIÓN PARA A ELABORACIÓN DE PLANS DE EMERXENCIA POR SECA, COMPLEMENTARIO DAS AXUDAS CONCEDIDAS CON DITO FIN POR AUGAS DE GALICIA EN VIRTUDE DA CONVOCATORIA PUBLICADA NO DOG Nº.118, DO 24 DE XUÑO DE 2019

O Sr. secretario expón o contido da proposta.

Non se producen intervencións, e por unanimidade a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente as bases reguladoras do Programa provincial de cooperación para a elaboración de plans de emerxencia por seca, complementario das axudas concedidas con dito fin por Augas de Galicia en virtude da convocatoria publicada no DOG nº.118, do 24 de xuño de 2019, co seguinte teor literal:

Primeira.- Obxecto:

1. Constitúe o obxecto destas bases a regulación dun programa de cooperación para a elaboración de plans de emerxencia por seca, destinado exclusivamente ós concellos da provincia de Ourense relacionados no punto terceiro desta cláusula, co fin de complementar as axudas concedidas a aqueles con dita finalidade por Augas de Galicia en virtude da convocatoria publicada no DOG nº.118, do 24 de xuño de 2019. O obxectivo do programa é que as entidades locais beneficiarias dispoñan dun instrumento básico de planificación para

xestionar os posibles episodios de seca, de tal xeito que se garanta o abastecemento á poboación e se fomente o emprego eficiente dos recursos hídricos.

2. Para ser subvencionables, os plans de emerxencia por seca deberán ter un contido acorde ó disposto no artigo 7 da Lei 10/2001, do 5 de xullo, do Plan hidrolóxico nacional, nas demais disposicións legais e regulamentarias de aplicación e nos plans de seca das correspondentes demarcacións hidrográficas.

En todo caso, o seu contido incluírá, como mínimo:

a) Unha descrición e un diagnóstico do sistema de abastecemento, con indicación dos recursos dispoñibles, as áreas de captación e as demandas de auga.

b) A determinación das zonas máis vulnerables en caso de seca e dos usos da auga máis relevantes desde o punto de vista económico e social, coa identificación da poboación, os condicionantes ambientais, os principais elementos do patrimonio natural e actividades estratéxicas que poderían verse afectados.

c) Un sistema de indicadores e escenarios coherente co recollido no correspondente plan de seca da súa demarcación hidrográfica.

d) As medidas de xestión a adoptar en cada un dos distintos escenarios incluídos.

e) A previsión dunha subministración alternativa ante situacións de escaseza temporal, razoable e proporcional ás concretas circunstancias que potencialmente se poidan producir nestas situacións e á súa duración.

f) As actuacións que se considere necesario executar para garantir o abastecemento á poboación durante un episodio de seca, incluídas as obras de captación e condución que sexan precisas.

3. Este programa desenvolverase mediante a concesión de subvencións ós concellos que seguidamente se relacionan, co fin de complementar o financiamento das actividades necesarias para acadar o obxectivo proposto: Baños de Molgas, Coles, A Teixeira, Xunqueira de Espadañedo, Lobeira, Petín, Manzaneda, A Veiga, O Bolo, Vereá, Rubiá, Muíños, Bande, Vilamartín de Valdeorras e Avión.

4. As actuacións subvencionadas poderán realizarse mediante calquera modo de xestión dos previstos na lexislación de réxime local, sendo subvencionables todos os gastos directos do servizo. Exclúense os gastos indirectos, así como os definidos como non subvencionables nos apartados 7 e 8 do artigo 31 da Lei xeral de subvencións.

Segunda.- Gastos subvencionables:

Terán a consideración de gastos subvencionables todos os que, tendo este carácter conforme coa lexislación vixente en materia de subvencións, financien as anteditas contratacións,

incluíndo gastos salariais e de Seguridade Social, así como os honorarios ou contraprestacións económicas por servizos profesionais prestados por contratistas.

Terceira.- Contía das subvencións:

A contía das subvencións concedidas ao abeiro deste Programa de cooperación será de 3.750,00 € por entidade local, sen prexuízo de que dito importe poderá reducirse nos casos en que así se solicite expresamente pola entidade local interesada.

En todo caso, a contía da subvención nunca poderá exceder do 20% dos gastos subvencionables soportados pola entidade beneficiaria, polo que se reducirá no importe correspondente cando resulte procedente

Cuarta.- Disponibilidades orzamentarias:

O financiamento das subvencións reguladas no presente programa realizarase con cargo á aplicación 414.11/450.00, dos orzamentos da Deputación Provincial de Ourense para o exercicio 2019.

Quinta.- Tramitación e adhesións:

1.- O presente programa será sometido a aprobación inicial polo pleno da corporación provincial e seguidamente a información pública polo prazo de 10 días hábiles, mediante a publicación do correspondente anuncio no Boletín Oficial da provincia de Ourense. De non producirse alegacións entenderase aprobado definitivamente e, no caso contrario, someteranse aquelas á consideración do pleno para a aprobación definitiva do programa. Logo de aprobarse definitivamente o programa, publicarase o pertinente anuncio no Boletín Oficial da provincia de Ourense, incluíndo o texto íntegro desta bases e a relación de concellos beneficiarios e das axudas concedidas

2. A aprobación definitiva do programa levará implícita a adhesión dos concellos beneficiarios, sen prexuízo da súa facultade de formular as alegacións que estimen oportunas con ocasión do trámite de información pública e de renunciar as axudas con posterioridade á súa concesión efectiva

Sexta.- Deberes dos beneficiarios:

Con carácter xeral, os beneficiarios asumirán todos os deberes impostos por estas bases e pola Lei xeral de subvencións, en todo aquilo que non resulte incompatible coas bases do programa. En particular, quedan suxeitos aos deberes de control financeiro e reintegro nos casos previstos na devandita lei.

Sétima.- Xustificación e pago da subvención:

1. As entidades beneficiarias deberán xustificar a subvención antes da data 30 de novembro de 2020.

2. A dita subvención xustificarase mediante a presentación dos seguintes documentos:

a) Certificado expedido pola persoa que teña ao seu cargo o desempeño das funcións de intervención do concello beneficiario, no que se fagan constar os seguintes extremos:

- Que se cumpriu a finalidade para a que foi concedida a subvención.
- Relación de contratos/nomeamentos formalizados/realizados con cargo á subvención, indicando o seu obxecto, duración e importe.
- Contía do gasto subvencionable que foi obxecto de recoñecemento da obrigaón nos exercicios 2019 e 2020.
- Importe das subvencións ou axudas públicas concedidas para o financiamento dos contratos/nomeamentos subvencionados.

b) Certificación da conta corrente da entidade para a realización do pago da subvención.

Oitava.- Compatibilidade con outras axudas ou subvencións públicas:

Estas axudas son compatibles con outras axudas ou subvencións, concedidas por administracións distintas da propia Deputación de Ourense ou do INORDE para a mesma finalidade, sempre que o conxunto das axudas percibidas non exceda do 100 % do gasto directo do servizo subvencionado soportado pola entidade local no mesmo período. No caso de que as subvencións percibidas excedan a devandita porcentaxe, a subvención reducirase ata conseguir o límite sinalado. A redución poderá acordarse, de oficio ou a instancia do beneficiario, en calquera momento no que a Deputación teña coñecemento da concorrencia de axudas, e mesmo con posterioridade ao pago da subvención, mentres non prescriba a acción administrativa de reintegro. En ningún caso a achega da deputación provincial excederá do 20% do gasto soportado polo concello.

Novena.- Normativa aplicable:

De conformidade co establecido na Disposición Adicional 8ª da Lei xeral de subvencións, as subvencións incluídas neste programa de cooperación réxense polas súas normas específicas. A Lei xeral de subvencións e as súas normas complementarias e de desenvolvemento serán de aplicación supletoria, excepto naqueles casos en que as presentes bases remitan ás devanditas normas, en que serán de aplicación directa.

2º.- Someter a trámite de información pública, mediante anuncio publicado no Boletín Oficial da Provincia de Ourense, as bases inicialmente aprobadas polo prazo de 10 días hábiles, durante os cales as entidades interesadas poderán formular as alegacións ou suxestións que consideren oportunas, que deberán ser resoltas motivadamente no acto de aprobación definitiva.

No caso de non formularse alegacións en prazo, entenderanse automaticamente aprobadas de forma definitiva, procedendo á súa publicación no Boletín Oficial da Provincia.

3º.- ROGOS E PREGUNTAS.- Nesta quenda prodúcense as seguintes intervencións:

D. Álvaro Vila Araújo, do Grupo Socialista, pregunta polo estado de execución da obra 61/POS/2019, no Concello da Peroxa, xa que foi certificada e recepcionada na súa totalidade e segundo información que obtivo a dita obra non foi executada na súa totalidade.

A **presidenta da comisión** informa que se contestará por escrito.

D.ª Margarita Pérez Fernández, do Grupo Socialista, pregunta como se realiza a substitución dos traballadores da Deputación que traballan nos puntos limpos da provincia cando gozan das súas vacacións ou cando se ausentan por outros motivos.

A **presidenta da comisión** informa que se contestará por escrito.

D.ª Elvira Lama Fernández, do Grupo Socialista, realiza as seguintes preguntas:

A.- Pregunta cal é a situación do expediente da piscina flotante termal en Laias.

A **presidenta da comisión** informa que se contestará por escrito.

B.- Reitera unha pregunta xa realizada en anteriores comisións relativa á planta de valorización de residuos da construción e demolición de Morgade, relativa á súa posta en marcha. Indica que desde a Deputación, ao longo de 2019, se informou de que a posta en marcha ía ser inminente e a día de hoxe está pechada e sen prestar ningún tipo de servizo. Lembra que esta planta tivo un custo moi elevado, sobre 600.000 euros, e que a día de hoxe hai concellos da comarca e da provincia que seguen tendo que xestionar e selar os vertidos incontrolados que aparecen, polo que insiste na necesidade de apertura da dita planta.

A **presidenta da comisión** informa que se contestará por escrito.

C.- Pregunta polo estado de funcionamento da planta de tratamento de lodos que se encontran no límite dos concellos de Sandiás e Xinzo de Limia, e pide que se lle informe se esta planta está a pleno funcionamento e se está tratando os lodos de forma correcta.

A **presidenta da comisión** informa que se contestará por escrito.

E, ás 17.40 horas, dáse por finalizada a reunión, redactándose a presente acta que se asinará electronicamente. Dou fe.

